



**ADDENDA Nº1 AO CONVENIO DE COLABORACIÓN ENTRE A DEPUTACIÓN DE PONTEVEDRA E O CONCELLO DE AGOLADA PARA LEVAR A CABO DENTRO DO SEU TERMO MUNICIPAL AS ACTUACIÓNS RECOLLIDAS NO PROXECTO DENOMINADO “ILUMINACIÓN EXTERIOR SOSTIBLE V (FEDER-EELL-2020-004168)” PARA MODIFICACIÓN DO FINANCIAMENTO DA ACHEGA MUNICIPAL**

**DOCUMENTO ASINADO ELECTRONICAMENTE POR:**





## **ADDENDA Nº1 AO CONVENIO DE COLABORACIÓN ENTRE A DEPUTACIÓN DE PONTEVEDRA E O CONCELLO DE AGOLADA PARA LEVAR A CABO DENTRO DO SEU TERMO MUNICIPAL AS ACTUACIÓNS RECOLLIDAS NO PROXECTO DENOMINADO “ILUMINACIÓN EXTERIOR SOSTIBLE V (FEDER-EELL-2020-004168) PARA MODIFICACIÓN DO FINANCIAMENTO DA ACHEGA MUNICIPAL**

Na data da sinatura electrónica

### **INTERVENÉN**

Dunha parte, D<sup>a</sup> María del Carmen Silva Rego, quen actúa no nome e representación da Deputación Provincial de Pontevedra, en virtude do seu cargo como Presidenta deste organismo e en función das atribucións que lle confiren o artigo 34 da Lei 7/1985, de 2 de abril, reguladora das bases do réxime local, e o artigo 105 da Lei 5/1997, de 22 de xullo, de administración local de Galicia.

Doutra, D. Luis Calvo Miguélez, quen actúa no nome e representación do Concello de Agolada, en virtude da súa condición de Alcalde-Presidente da citada Corporación, segundo o disposto no artigo 124 da Lei 7/1985, do 2 de abril, reguladora das bases de réxime local, no artigo 61.1 da Lei 5/1997, de administración local de Galicia e no artigo 41.1 do Real decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais.

E actuando Carlos Cuadrado Romay en calidade de secretario xeral da Deputación de Pontevedra, dando fe do acto que ten lugar.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización deste convenio, con base nos principios de colaboración, cooperación, coordinación e eficacia que deben presidir as actuacións das Administracións Públicas e, a estes efectos, de común acordo,

### **EXPOÑEN**

I.- Que con data 15 de setembro de 2021, o Concello de Agolada e a Deputación Provincial de Pontevedra asinaron o “Convenio de colaboración para levar a cabo dentro do seu termo municipal as actuacións recollidas no proxecto IDAE NÚM. FEDER-EELL-2020-004168 “Iluminación exterior sostible V: renovación das instalacións do alumeadado exterior dos municipios de Agolada, Baiona, Barro, Bueu e Caldas de Reis”. O concello de Agolada comprométese a achegar para a realización das actuacións descritas neste convenio de colaboración o importe que ascende a vinte mil oitenta euros con corenta e un céntimos de euro (20.080,41 €).

II.- Que, de acordo coas precedentes consideracións, dada a coincidencia de obxectivos e o interese común de ambas administracións manifestan expresamente o seu propósito de asinar unha addenda co obxecto de proceder á modificación da cláusula terceira “Importe e financiamento” do convenio de colaboración entre a Deputación de Pontevedra e o concello de





Agolada para levar a cabo dentro do seu termo municipal as actuacións recollidas no proxecto denominado "Iluminación exterior sostible V (FEDER-EELL-2020-004168) asinado con data de 15 de setembro de 2021 para o financiamento da renovación das instalacións da iluminación exterior sostible do concello de Agolada, con arranxo ós seguintes:

## PACTOS

PRIMEIRO.- A Deputación Provincial de Pontevedra e o Concello de Agolada acordan a modificación da cláusula terceira "Importe e financiamento" do convenio de colaboración entre a Deputación de Pontevedra e o concello de Agolada para levar a cabo dentro do seu termo municipal as actuacións recollidas no proxecto denominado "Iluminación exterior sostible V (FEDER-EELL-2020-004168) asinado con data de 15 de setembro de 2021 para o financiamento da renovación das instalacións da iluminación exterior sostible do concello de Agolada. Dita cláusula queda redactada da seguinte maneira:

### *"Terceira. Importe e financiamento"*

*A inversión elixible admitida polo IDAE para o proxecto IDAE núm. FEDER-EELL-2020-004168 "Iluminación exterior sostible V: Renovación das instalacións de alumado exterior dos municipios de Agolada, Baiona, Barro, Bueu e Caldas de Reis", para a realización das actuacións dentro do termo municipal do Concello, ascende a cantidade de douscentos mil catrocentos dous euros con cinco céntimos de euro (200.402,05€).*

*Do total do investimento descrito no parágrafo anterior, o IDAE, con cargo a fondos do FEDER concedeu a Deputación de Pontevedra unha axuda por importe máximo de cento sesenta mil trescentos vinte e un euros con sesenta e catro céntimos de euro (160.321,64€), correspondendo este importe ao 80 % do investimento admitido elixible.*

*Para facer fronte ao importe restante (20 % do investimento elixible admitido) a Deputación de Pontevedra e Concello adherido chegaron ao acordo de financiar ese importe con fondos propios das citadas entidades cos seguintes condicionantes:*

- A Deputación de Pontevedra achegaría o 10 % do investimento elixible co límite de vinte mil euros (20.000€) para actuacións dentro do termo municipal de cada un dos Concellos adheridos*
- O importe restante, ata chegar ao 100 % do importe das actuacións a realizar dentro do seu termo municipal, achegaría cada un dos Concellos.*

*Neste sentido, o Concello adherido ao proxecto indicado achegou a certificación do acordo adoptado polo órgano de goberno correspondente onde se adherían ao proxecto e se comprometían a consignar no orzamento municipal os créditos necesarios para afrontar as achegas municipais para a realización do mencionado proxecto no caso de ser subvencionado.*

*Ademais o Concello adherido ao proxecto indicado no inicio deste parágrafo asinou o día 07 de xullo de 2020 o correspondente Acordo entre beneficiarios, que forma parte da documentación remitida ao IDAE como documento complementario do expediente de concesión da axuda.*

*A Xunta de Goberno, na súa sesión ordinaria de data 2 de xullo de 2021 aprobou, entre outros asuntos, a concesión das axudas comprometidas pola Deputación ao abeiro do proxecto IDAE núm. FEDER-EELL-2020-004168 "Iluminación exterior sostible V: Renovación das*



instalacións de alumado exterior dos municipios de Agolada, Baiona, Barro, Bueu e Caldas de Reis” aos concellos beneficiarios e autorizou a comprometer o gasto polos importes da achega da Deputación.

No caso concreto das actuacións a realizar no termo municipal correspondente ao Concello o cadro financeiro é o que se corresponde coa seguinte táboa:

<b>Concello/ Concello</b>	<b>Investimento elixible admitido</b>	<b>Axuda IDAE outorgada (80% FEDER)</b>	<b>Achega do Concello</b>	<b>Achega da Deputación de Pontevedra</b>
Concello de Agolada	200.402,05	160.321,64	20.080,41	20.000,00

A Deputación comprométese a achegar para a realización das actuacións nos Concellos descritas neste convenio de colaboración o importe que ascende a vinte mil euros (20.000,00€) consignados na aplicación 21/942.1650.652.15, dentro do proxecto de gastos **codificado como “FEDER-EELL-2020-004168 Iluminación exterior sostible V: Renovación das instalacións de alumado exterior dos municipios de Agolada, Baiona, Barro, Bueu e Caldas de Reis”**.

O importe que ten que achegar o Concello constitúe un ingreso de dereito público que deberá ingresarse na tesourería provincial no momento da sinatura do convenio e, en todo caso, antes da iniciación do expediente de contratación. Este importe de mil cento noventa e un euros con cincuenta e oito céntimos de euro (1.191,58 €) correspondentes á redacción do proxecto, ingresarse neste exercicio económico e a cantidade restante, que ascende a dezaioito mil oitocentos oitenta e oito euros con oitenta e tres céntimos de euro (18.888,83 €) no mes de xaneiro do 2022 coa fin de xerar o crédito necesario nas aplicacións correspondentes.

O importe que ten que achegar o Concello constitúe un ingreso de dereito público que deberá ingresarse na tesourería provincial no momento da sinatura do convenio e, en todo caso, antes da iniciación do expediente de contratación co fin de xerar o crédito necesario na aplicación correspondente.

En caso de que o investimento realizado teña un custo inferior ao inicialmente previsto e sempre que isto non supoña unha execución deficiente da totalidade do proxecto, o financiamento reducirase en correlación ás obrigas económicas que lle corresponda afrontar a cada parte.

Segundo se recolle na cláusula 25.4 das Bases de execución do orzamento da Deputación de Pontevedra para o ano 2021, para facer efectivas as obrigas da achega do concello para o financiamento do presente convenio outórganse expresamente as facultades de comprensión e ingreso a favor da Deputación de Pontevedra sobre calquera pago concreto que lle teña que facer ao concello, ou calquera pago que lle teña que facer o ORAL ao concello, se tivera delegadas as facultades de recadación en dito organismo”

SEGUNDO.- En todo o demais, o texto do convenio asinado en data 15 de setembro de 2021 mantense invariable, suxeitándose as partes ao seu clausulado.





E para que así conste, en proba de conformidade, as partes asinan a presente addenda data sinalados no seu encabezamento.

O Alcalde-Presidente do Concello de Agolada

A Presidenta da Deputación de Pontevedra

Asdo.: Luis Calvo Miguélez

Asdo.: María del Carmen Silva Rego

O Secretario Xeral da Deputación de Pontevedra

Asdo.: Carlos Cuadrado Romay

